

嶺南叢述卷三十

東莞 鄧 淳 粹如編輯
香山 鄭廷棣 常蔭參訂

宮室下

靈化寺

靈化寺在扶胥之北五里休咎禪師道場也蔣穎叔有記畧云師姓梁氏終於元和中昔嘗謁鎮海將軍廟欲乞廟為伽藍王不許乃為師別擇此地仍以楮錢定其四隅至今為寺鎮海將軍即南海王也師嘗為王授三皈五戒使無害生靈云南海百詠

浴日亭

書寅賓出日易離為日蓋日生於東海而光麗於南海敬禮之如賓也波羅廟側有小峰名章丘日出必先見焉故其上有浴日亭亭臨虎門海天空曠日初出盪如紅盆所見獨早其與羅浮見日

嶺南叢述

卷三十

宮室

臺所見各有時候羅浮峰高日見於子章丘近海日見於寅皆得氣之先也宋蘇軾詩劒氣崢嶸夜插天瑞光明滅到黃灣坐看暘谷浮金暈遙想錢塘湧雪山已覺滄涼蘇病骨更煩沆漉洗衰顏忽驚鳥動行人起飛上千峰紫翠間明陳獻章和殘月無光水拍天漁舟數點落前灣赤騰空洞昨宵日翠展蒼茫何處山顧影未須悲鶴髮負暄可以獻龍顏誰能手抱陽和去散入千崖萬壑間

嶺海見聞

花山寺

花山寺在扶胥北五里漫山皆杜鵑花俗傳方春時婦女往往就結其花以為熊羆之兆蔣穎叔詩云開遍滿山紅躑躅香風一簇美人來蓋謂此也南海百詠

西樵三書院

西樵之西有山從端州來至南海黃岡渡江而東有石跡為石頭

村又南而北綿延數十里邱垤連累者百數乃崛起而爲西樵中
有書院三其曰石泉書院者方文襄所營在紫雲峯曰大科書院
者湛文簡所營在大科峯曰四峯書院者霍文敏所營在鷄冠紫
姑龍爪聚仙四峯之間當時三書院鼎足而立三公講學其中者
歷十年世宗御極相與應召而起方爲內閣輔臣霍爲太子少保
禮部尙書入弼東宮湛爲南京兵部尙書參贊機務同時尊顯世
之所難也論者謂山有神靈使然父老云昔年茲山嵐霧溟濛覆
其半昏旦莫辨近三十年明淨秀露無復嵐霧掩焉亦山之遭遇
非偶然也

廣語

孟奇西園

張孟奇萱自平越守鐫職歸處林下者四十年手不釋卷嘗謂寒
可無衣飢可無食病可無藥不可一日無書當時謂其書淫傳癖
然孟奇實通人也宦歸頗饒於貲爲園榕溪之西極水竹池臺之
嶺南叢述

卷三十

宮室

二

勝其名借於輞川龍眠山莊矣自號園公不入城市人因稱爲西
園公茲列其名於左曰園門曰文隱堂曰花國平章門曰品花軒
曰百尺樓其題額則有曰拙者之效曰中區元覽曰永矢弗諼曰
分甘亭曰舞鶴墀曰淹留亭曰論世齋曰元寄靖曰濯霸臺曰清
音閣曰鷄黍局曰篤善園曰蕭蕭館曰雙樹林曰鏡林曰阿巢曰
風雩門曰古雲臺曰關侯祠曰蓼雲臺曰釣璜臺曰老圃曰彙史
樓曰函雅樓曰籟經堂曰癖古齋曰懸關樓曰懷鱸亭曰懷橘亭
曰天鏡臺曰洗臉步曰匏葉渡曰絳虹橋曰宛在亭曰七逸堂曰
國香亭曰殫英榭曰輪玉亭曰春雲寮曰彭視亭曰五石瓠曰堂
均芥曰怡受航其建此園也以奉母夫人歡故取潘黃門賦爲題
額而體以行和樂以勞宣之意寓乎其中嘗有詩云洗臉竹下新
秋漲御食花前老瓦盆可以想其色養之樂事矣

楚亭
稗珠

宋行朝

宋行朝在東莞梅蔚山宋景炎丁丑帝舟次於此於其地建一殿故址尚存黃志

竹隱精舍

竹隱精舍在東莞縣南六十里獺步村宋開慶己未御史周梅叟為李用建理宗俞經筵官劉震孫之請御書竹隱精舍四字賜之遺址尚存黃志

資福寺羅漢閣

閣在東莞縣市中僧祖堂始營此閣規制巨麗東坡為之記且以犀帶所易佛腦骨薦以白壁施之見東坡塔銘并吳开所跋記語寺有再生栢東坡亦有贊今猶存壁間南海百詠蘇文忠公古舍利塔在東莞西資福寺羅漢閣狀如覆孟文里類芭蕉五色備具蓋古佛腦骨也比邱祖堂夜夢赤蛇吐珠白壁上旦果得舍利建塔公自作銘以實之南海百詠資福寺南漢邵廷瑁建周圍四井為界黃志

嶺南叢述

卷三十

宮室

三

僊履亭

僊履亭在東莞紫霞壇上道士崔羽尸解之所黃志

雙忠雙節堂

雙忠雙節堂在東莞南海衛百戶范震文正之後祖享父瑛俱死於戰祖母陳氏母陶氏皆守節故名東莞舊志

榴花塔

榴花塔在莞之銅嶺其鄉曰榴花因名塔曰榴花塔鄉為宋義士熊飛起兵之地嘗大戰殲元兵於此陰雨中時聞金鼓之聲塔下為花溪銀塘有巨石飛自刻花溪銀塘四大字亂之復整廣語

望至堂

望至堂在莞之烏沙宋季潮州府教授李佳痛其母忠烈蹈海死乃招魂葬鷄心山復作望至堂庶幾母氏來歸云東莞舊志

鳳凰臺

莞治西南道家山有鳳凰臺相傳有鳳來集白玉蟾訪崔紫霞於臺不遇題詩云鳳去臺空事尚存晨鐘暮鼓換爐薰魚龍吞吐四海水鸞鶴歌嘯三天雲花覺月寒春又老沙知潮落夜將分紫霞真人渺何處步虛一聲聞不聞其下爲鳳臺詩社邑人唱詠於此昔陳侍郎璉取邑中詩人自宋以迄明初彙爲一帙名曰寶安詩集風雅之所由來遠矣嶺海見聞明天順間邑人何潛淵夏侯恭等十五人結詩社於此繼作者代不乏人東莞舊志又在增城縣圖經云熙寧七年有鳳凰飛集於法華寺羽毛五色光彩陸離高六尺長九尺百鳥隨之食頃從西北去觀者如堵程公師孟以聞李公思義遂剝臺其上南海百詠

萬卷堂

東莞陳琴軒先生璉致仕後開萬卷堂書多秘館所無四方學者至必館穀之而邱文莊於瓊州學宮爲石室藏書以惠學者皆盛

嶺南叢述

卷三十

宮室

四

德事也

廣語

廉泉亭

廉泉亭在莞之黃嶺宋邑令張勳建元邑令郭應木勸農其下重

建明邑令吳中重修

東莞舊志

九姓祠

嶺南之東莞有九姓祠焉遠祖九人相厚善爲兄弟其子孫世世

以行輩叙叔姪絕婚姻魏叔子文集

久遠堂

久遠堂在順德陳村宋理宗扁賜侍郎李昴英明洪武間其後人

建祠懸之

廣州府志

忠義鄉亭

忠義鄉亭在順德縣西北四十五里明初廖永忠兵至廣州鄉人關敏導其兵以攻盧寶善寶善知之攻敏滅其家永忠奏聞名其

鄉曰忠義構亭表之一統志

呂相祠

順德桂洲堡有呂相祠神甚赫相傳為宋文煥於甲子門與元人戰敗赴水死屍遡流至鄉民祠之咸平間封忠愍武靈侯考通鑑文煥以襄陽降元為叅知政事每導元人入寇德祐初籍其家宋亡入見太后尚出怨言乃宋叛臣無戰甲子門事况咸平乃真宗年號先文煥二百餘年則所傳者訛也邑西南有地名石涌南越相呂嘉故鄉也向漢兵南下嘉於其鄉築石涌金斗二城以為守敗後伏波追奔至此編橋度兵既獲嘉橋遂以伏波名桂洲與石涌一水相連溯流而至必嘉也為南越相故稱相此乃嘉之子孫居於石涌者之所祠也嘉本越人之雄尉佗得之因越人之所服而相之而南越以治佗之能用越人如此秦將屠睢不能用桀駿以賈番君吳芮能用梅鋗以興越人之不可忽也如此嗟乎越人嶺南叢述卷三十 宮室

固多六千君子之遺烈者哉廣語

馬南寶宅

馬南寶宅在香山之沙涌宋端宗駐驛之所後崩碣洲復殞此自閩入廣行宮三十餘處此其一云郝志

宋行宮

宋行宮在新會崖山祥興初帝昺南遷時建凡三十間環以軍屋千餘又有行朝草市祥興二年丞相陸秀夫負帝沉海死之其地

遂墟崖山志

龍山高壽寺

龍山高壽寺在新會縣西二里山有龍窟東西相望僅百步東山數穴宵不可窺以石投之隱然不絕西山則玲瓏下屬表裏洞開總於窟者九故老云神龍出入地輿地紀勝

碧玉樓

碧玉樓在白沙先生宅小廬山西碧玉長六寸許寬半之上銳下
豐旁有兩耳耳有孔可以組穿約蓋古命圭之屬記曰命圭自九
寸以下又曰圭博三寸厚半寸剡上左右各寸半是也白沙以總
督朱英之薦於是憲廟以此圭聘先生先生建樓藏之名碧玉樓
又嘗自稱碧玉老人郡人黃泰泉詩百年聞道屬斯人碧玉中藏
太古春廊湛若詩碧玉樓前千仞雪肯容狂簡禮簪裾廣語

廬阜精舍

廬阜精舍在新會縣南小廬山上距江門二里明陳獻章建郭志

楚雲臺

楚雲臺在新會縣東白沙村明楚人李承箕故寓陳獻章建知縣
曹學參修額其堂曰景賢郭志

嘉會樓

嘉會樓在新會白沙村東北有司為明陳獻章建兵巡道何子明

嶺南叢述

卷三十

宮室

六

修郭志

會仙觀

會仙觀在增城縣南一百步許何仙姑所居也姑生於唐開耀中
嘗於旁穴得雲母石服之體中漸覺輕舉有凌雲之致一日告其
母以羣仙之會吾將暫往遂不復見今祠堂丹井具在觀中南海百詠

清獻故宅

崔清獻故宅在增城縣西街廣州府志公榜燕居以菊坡題曰韓魏公
云保初節易保晚節難余嘉定辛巳建制闔于益昌愛公寒花晚
節之句築菊坡以自適今告老歸里復以名其居後文溪李公侍
講經延理宗思公風節嘉歎久之大書菊坡二字賜其家崔清獻言行錄

石神廟

神姓石氏名文光增城人有智勇宋丞相陳宜中揖為上客景炎
二年十月端宗自潮州之淺灣航海過香山元兵入廣州丞相張

世傑奉御舟退保秀山颶風舟敗宜中欲奉命帝走占城不果遂託往乞師文光察其無還意因言曰丞相爲宋重臣當此危難之際萬一天欲絕宋國事不支當死國耳今丞相此行恐天下後世謂丞相難免一逃字宜中默然文光率所部兵回廣時羣盜盛起互相剽掠文光於增城修築營寨備禦一方獨晏然元將張洪範克廣州遣人諭降且欲加之官文光不從以宋亡悲憤不食而死邑人懷其捍禦之力立廟祀焉號石神廟

嶺海勝

明誠書院

明誠書院在增城縣城中湛文簡所建堂上有心性圖及文簡所書心性圖說右隅有王文成所書五言古詩今陽明集中書泉翁壁詩是也行書字大如拳漫滅不可盡識堂後石刻文簡像幞頭執簡上有隸書心性圖說甘泉書院遍天下此其發祥之地故尤重云

廣語

嶺南叢述

卷三十

宮室

七

海光寺

海光寺在新安縣南門外相傳南漢時有鐵佛在海中夜有光因建寺祀之

一統志

望烟臺

望烟臺在新安鳳凰巖下相傳文丞相姪文應麟之子孫家于嶺下爲何左丞部將值歲荒建此臺登眺凡家無爨烟者賑之

廣州府志

隆興古寺

隆興古寺在花縣瑞雲山下寺創於唐元重修

金志

寺旁有鐘潭相傳古有廢寺廢像委潭內鐘飛入覆之土人善泅者往往見鐘鈕欲決水取之輒遇風雨而止

郝志

峽山書堂

峽山書堂在清遠相傳軒轅二庶子與其臣隱此故山名曰二禺上有二帝子祠下有讀書臺右爲山暉堂祀二禺臣皆邑人朱叔

子建黃志

飛來寺

飛來寺在清遠峽廣慶寺中胡愈所作記云梁武帝末峽有二神人往叩上元延祚寺正俊禪師曰本峽居清遠上流建一道場足立勝概師能去否俊然其說俄然中夜風雨暴作黎明薄霧啟戶而觀則琳宮紺宇一望莊嚴儼然在峽中矣唐韋宙帥南海時以俸錢買菜園親帟尚在南海百詠廣慶寺即峽山飛來寺梁普通間真俊禪師建賜額至德宋康定二年改今額金志

釣臺

釣臺在飛來殿之西乃趙胡釣得百觔金鯉之地南海百詠一在增城沙貝村湛若水垂釣處廣州府志

玉泉寺

玉泉寺獅子石在清遠縣東中宿峽內崑山頂上形如獅子故老

嶺南叢述

卷三十

宮室

八

相傳曰昔有僧居其石而無泉感老人指泉今則有玉泉寺寰宇記

舜峯寺

舜峯寺在韶州府治北五里皇舜祠之下時享舜帝於此宿齋山水幽迥祠今移城中寺仍不廢嘉靖十九年重修黃志

陰城

韶州府城上周圍俱葢房舍兵環居之不作女牆謂之陰城攻之難破康熙乙卯吳逆遣吳國柱馬寶攻之年餘不能克嶺南雜記

陳侯安都宅

陳侯安都宅在韶州城西四十里桂山之下始興太守范雲詠桂詩南中有八樹繁華無四時不識風霜苦安知零落期舊有石刻置侯司空廟中今不存廣東名勝志

南華寺

南華寺在曲江縣南六十里寰宇記梁天監元年天竺國僧智藥建

後爲六祖演法道場唐萬歲通天初則天皇后錫賚宣詔元和間賜塔曰靈照之塔其寺爲嶺外禪林之冠輿地紀勝按指月錄曹溪寶林堂宇湫隘六祖謁里人陳亞仙捨宅廣之卽此寺也一統志六祖傳黃梅衣鉢居此今衣鉢真身俱存開寶三年賜名南華塔殷明成化六年建復康熙五年平藩重建有降龍塔伏虎亭卓錫亭避難石曹溪水十二景郝志

靈鷲寺

靈鷲山寺在曲江縣北六里晉義熙中有天竺僧居之始興記靈鷲山臺殿宏麗面象巧妙嶺海佛寺此爲最也寰宇記

月華寺

月華寺在曲江城南一百里天竺僧智藥剝唐招提朗法師演法之地宋紹聖初重建黃志蘇詩自注寺鄰岑水場施者皆坑戶也百年間蓋三焚矣施宿蘇詩注子瞻北歸過月華寺值其改建法堂乞坡

嶺南叢述

卷三十

宮室

九

題梁坡欣然命筆石梁題歲月左梁題云天子萬年永作神主歛時五福敷錫庶民地獄天宮同歸淨土有性無性齊成佛道齊東野語

報恩光孝寺

報恩光孝寺在曲江縣河西唐開元二年僧宗錫建名開元寺又更名大梵寺刺史韋宙請六祖說壇經處宋崇寧三年詔諸州建崇寧寺致和中改天寧寺紹興三年專奉徽宗香火賜額曰報恩光孝寺前堂有秦綱義士像黃志

逍遙臺

逍遙臺在韶州府城南五里武水東隋刺史薛道衡建唐張九齡有逍遙臺序黃志

風度樓

風度樓在曲江縣治南唐張九齡爲相元宗重之每用人必曰風度得如張九齡否邑人因以名樓黃志

張九齡故宅

張九齡宅基址在韶州西二里寰宇記宋史楊大異傳大異提點廣

東刑獄訪張九齡故宅建曲江書院以祀之輿地紀勝在曲江縣

東六十里平圃驛畔今廟宇乃其宅基一統志在始興縣南山幽水

秀花木長春几案尸庭皆石琢就方輿勝覽在始興縣西南一百里桂

山下一統志始興清化鄉有文獻書堂九齡未仕時建黃志謹案九齡

宅址書堂寰宇記俱著之曲江黃志則曲江始興並著之攷舊唐

書本傳曾祖某韶州別駕因家於始興今為曲江人新唐書乃直

云曲江人一代名賢固千載下兩地猶爭者也茲從一統志以平

圃驛之故宅著於曲江以桂山之故宅著於始興焉阮志

九成臺

九成臺在曲江舊名聞韶臺宋建中靖國元年蘇軾兄弟謂舜南

巡奏樂於此因更名曰九成刻銘石上後以元祐黨事廢遂以西

嶺南叢述卷三十宮室

城上武溪亭為臺金志

余尚書西園

余尚書西園在曲江宋祖無擇訪余靖西園有詩郝志

三楓亭

三楓亭在曲江縣界圖經云曲江有修仁水水北有三楓亭梁范

雲有詩唐刺史韋迢重修郝志始興江口有三楓亭梁范雲遺跡也

余以甲子使粵過之題詩云二月一日春態閒桃花欲落鳥絲蠻

回頭不識中原路人在三楓五渡間漁洋詩話

邵謁書堂

翁源縣東七十里羅江水中唐人邵謁嘗築室讀書於此後人立

祠祀之鄉人呼謁為邵一天祐間補太學生卒于學一日縣人禱

旱忽神降附小巫曰某乃邵一秀才也父老異之因曰秀才平日

能詩今欲求一詩可乎巫不識字應口成詩云翁山山下少年郎

憶得當年別故鄉，惆悵不堪回首處。隔江猶見舊書堂。韶州府志在縣東四十里江水中，有嶼高九十丈，周五里，謁建堂於上，為讀書之所。一統志

金山寺

金山寺在英州之北三十里。容齋隨筆舊經云：唐長壽二年雷雨震開寺前石壁，得阿彌陀佛像，高丈餘，蓮華乘座石上，有六字云：此是丈六佛迹。又寺記云：昔有二士遊山中，忽覩道人儀形甚偉，自云西土人，二士退告閭里及眾，往觀但見金色光耀遍山及石上字。

輿地紀勝

棲霞樓

始興城西百餘步有棲霞樓，臨川王營置清暑遊焉。羅君章居之，因名為羅公洲樓。下洲上菓竹交蔭，長楊傍映，高梧前疏，雖即城隍，趣同邱壑。始興記

嶺南叢述

卷三十

宮室

十一

梁太子書堂

梁太子書堂在始興縣治南，世傳梁昭明太子往尋傅大士講經居此。一統志

梅鎬故宅

梅鎬故宅在梅嶺。郝志嶺有紅梅驛，驛有城，當嶺路南北之中，累石為門，相傳鎬家在焉。南雄州志

野吏亭

惠州府治後有野吏亭，陳文惠堯佐守郡時建。坡公記其壁。楚庭稗珠

六如亭

六如亭在惠州西湖之上，栖禪寺東坡侍妾朝雲葬此，取金剛經偈語志其墓。後人因構亭曰六如。黃志

合江樓

合江樓在惠州東西二江匯其東，豐鱗二湖瀦其西，而象嶺羅浮

前後屏擁其水大而山雄境清而氣秀廣語

東坡故居

東坡故居在白鶴峯宋蘇軾謫惠卜居於此黃志有德有鄰堂思無邪齋娛江亭悠然亭及硃池墨沼又有東坡井紹興二年虔寇謝達陷惠州居民官舍焚蕩無遺獨東坡故居致奠而去夷堅志其思無邪齋明知縣連國柱修之郝志又在儋州城南故天慶觀側一統志東坡至儋耳軍使張中請館于行衙又別飾官舍為安居計朝廷命湖南提舉常平董必者察訪廣西遣使臣過海逐出之遂買地築室為屋三間蘇詩施註

冲虛觀

冲虛觀在羅浮山朱明洞南宋建一統志晉咸和中葛洪至此煉丹從觀者眾乃於此置四菴山南曰都虛又曰元虛又改名冲虛洪没唐天寶初置守祠十家仍度道士賜額內有葛洪祠及葛洪丹嶺南叢述卷三十 宮室

遺履軒

遺履軒在羅浮山蓬萊閣後相傳南海太守鮑靚嘗夜訪葛洪與語達旦乃去人訝其往來之頻而不見其車馬使人密伺之但見雙燕飛至網之則雙履也因構是軒黃志

延祥寺

延祥寺在羅浮山博羅縣志南朝梁蕭譽建唐賜額羅浮山志唐開元中有西竺僧乾末多羅以鐵釋迦像一軀泛海至番禺不動置之羅浮山其像為人所毀以鑄農器獨其首今在延祥寺輿地紀勝

明月戒壇

今改明月寺 在犀牛潭

壇在延祥寺內唐僧受戒處羅浮山志

寶積寺

寶積寺在羅浮山唐中宗時僧道迪建於卓錫泉旁名中閣院宋

改今額一統志

華首寺

華首寺在羅浮舊名華首臺山麓有古寺名華手凡遊者道從此入羅浮山志羅浮記云其洞常有五百華首真人游會開元二十六年

奉勅建輿地紀勝

資福寺

寺在羅浮山下梁武帝時命蕭子雲飛白大書蕭寺二字山僧募之揭於寺門羅浮山志

黃龍觀

黃龍觀在羅浮卽南漢天華宮故址羅浮山志

白鶴觀

鶴觀在羅浮卽葛仙東山菴又孤青觀爲西菴羅浮山志

九天觀

福地有明福觀南漢所建亦名九天觀後改建在冲虛觀東

生羅浮山志海雪山人自號明福洞主由是處也浮山小志

酥醪觀浮山小志

醪醪觀

醪醪觀在羅浮冲虛觀北羅浮山志觀在浮山之北最深處爲葛稚川

菴浮山小志

靈龕寺

龍川靈龕寺隋建經藏南有遺跡鐘樓石陳隋之間僧徒盛寺不能容散處巖穴樓植於此擊鐘以聚衆焉輿地紀勝今名靈山寺龍川縣志

長樂臺

漢趙佗始皇末從任囂畧定揚粵拜龍川令築臺於惠州長樂縣五華山曰長樂臺長樂本龍川地屬佗治也嶺海勝

韓亭

韓亭在海陽縣韓山一統志昌黎登覽舊地俗呼侍郎亭輿地紀勝元祐

中張處恭改建明統志按此即因揭陽樓遺址而建亦名思韓阮志

仰斗亭

仰斗亭在海陽縣東一統志亭在東山之腹北面故名仰斗輿地紀勝在

思韓堂後刻韓愈像及諸賢墨蹟明統志

拙窩

拙窩在海陽縣內金山舊名遙碧宋廖德明更名朱子書額并刻

周子拙賦於巖石間今猶存一統志

歲寒堂

歲寒堂在潮陽縣宋吳子野宅中之堂置登州十二石蘇文忠集

遠遊菴

遠遊菴在潮陽縣西北麻田山中宋逸士吳復古隱此蘇軾有銘

一統志

開善寺

嶺南叢述卷三十 宮室

開善寺在潮陽縣西五十里唐貞元初建僧大顛所居中有留衣

堂一統志靈山院大顛開山之地自開元十九年始出入有虎尾其

後夜不離側且有毛拉颯者身面俱毛本漳州三平山之神也凡

僧之不律與館於寺而輒擾者必蒙擊治輿地紀勝

澹軒

澹軒在揭陽縣藍田飛泉嶺宋兵部郎中鄭國翰講學處國翰與

朱晦菴為同榜進士手書落漢鳴泉四字榜諸亭郝志

陸秀夫故宅

陸秀夫故宅在澄海縣南百步外港口秀夫與陳宜中議不合安

置潮州居此一名陸唐園一統志

馬嘶巖石室

馬嘶巖石室在普寧縣相傳唐大顛所創昌黎嘗至此訪之潮州府志

宋太子樓

宋太子樓在饒平縣東南澳山雲蓋寺海崖疊石為樓相傳宋幼
帝駐驛所築一統志旁有行宮指揮司甬道遺址宛然黃志

閱江樓

閱江樓在端州江西江也其水自梁益二州經流數千里會五十
餘州之水而下其大者為鬱黔桂繡臨賀之水分為二江復合而
為一洪波滂濇無支流以疏播之至端州而羶羊之峽縮轂其口
不能遽洩每當夏月奔騰怒涌載於高地為暴漲以魚鱉吾民樓
之建所以砥狂瀾而鎖鑰西疆者也其基在石頭岡之上岡臨江
崛起巨石厯巖府治第一重捍門也樓勢崢嶸望如山嶽前後樓
二各三重左右樓二各二重左右耳樓四各二重凡大小八樓今
而為一廣語松臺書院故址即今閱江樓肇慶府志

鵠奔亭

鵠奔亭在高要縣西八里漢何敞辨死女子冤即此處也元川志

嶺南叢述

卷三十

宮室

十五

謝承後漢書作鵠巢亭一統志

慶雲寺

慶雲寺在肇慶府城東北四十里鼎湖山志

白雲寺

白雲寺在鼎湖山之西南去慶雲寺十里唐六祖高弟智常鼎湖山志
創招提凡三十有六歷宋迄元興廢失稽惟存數寺鼎湖山志

峽山寺

峽山寺在高要縣高峽山今名矜山寺一統志唐天寶二年建明天
啟崇禎間屢修廣州府志

菊圃

菊圃在高要郡廳西宋包拯建前有軒累土為山砥石為基榜曰
爛柯洞天今改為廨舍高要縣志

星巖書院

星巖書院在高要寶月臺宋包拯建舊址尚存郝明郡守張一棟
即其地祀包孝肅公學海堂集

陸大夫廟

漢陸賈使南越尉佗與之泛舟至肇慶賈默禱曰我若說越肯稱
臣當以錦裹石為山靈報使還遂募人植花卉以代錦後人因立
廟祀之宋乾道間梁竑入都艤舟石下夢一客自稱陸大夫云我
抑鬱於此千餘歲矣君幸見臨願留一詩竑遂題詩於壁而去夷志

白鹿臺

漢趙佗時肇慶新興縣南獲一白鹿因就其地築臺曰白鹿以志
喜鹿之生百年為白鹿佗築臺時已百歲遂卒亦異驗也嶺海按
一統志載白鹿臺在高明縣南五里原屬新興今在高明也阮志

六祖故居

嶺南叢述

卷三十

宮室

十六

六祖故居在新興縣國恩禪寺即盧能故居也又縣東南有夏院
乃六祖禁足之地黃志

跳禾樓

六月村落各建小棚延巫者歌舞其上名曰跳禾樓用以祈年廣寧志

高力士宅

高力士宅在茂名唐高力士縣人馮益之孫故有宅嘗手植桄榔
子二株高百尺宋時尚存茂名縣志

龐夫人祠

龐瀑在縣北二十五里高三十餘丈周圍二十餘里頂上洪厓陡
壁中有石堂可坐數十人水從厓下瀆出上有龐氏夫人之祠遇
旱精誠祈禱雨即如注稍有不謹雖禱無雨在今東坑是也高州府志

松明書院

松明書院在石城縣西一百二十里宋蘇軾建一統志

還珠亭

還珠亭在廉州府城孟嘗守合浦去珠復還後人建亭以表之黃志

天涯亭海角亭

欽州有天涯亭廉州有海角亭二郡蓋南轅窮途也欽遠於廉則天涯之名甚於海角之可悲矣斯亭竝城之東地勢頗高下臨大江可以觀覽昔余襄公守欽為直釣軒於亭之東偏即江濱之三石命曰釣石醉石卧石富為吟咏載在篇什韻外代答范德機隸古見推當時近見廉州海角亭記為其自書無疑此碑亦用漢唐碑法題額四篆字居首下方就書文不復重出亭記字高平范攄文并題額但就在文后不復分書也續書史天涯亭在欽州東門北畔臨水輿地紀勝可望分茅嶺宋余襄公守郡時建嶺海名勝記

陟屺寺

嶺南叢述

卷三十

宮室

十七

欽州靈山縣東南三十里有武利場俗傳唐則天母氏故里也去場不遠有陟屺寺遺址云則天念母為建寺祈福之地猶有豐碑斷裂茅檜間字畫畧可辨其文則盧肇奉勅撰按則天父武士護晉人母楊未詳家何地后得志封榮國夫人榮國卒后出珍幣建佛廬以徼福然則陟屺之說固苗裔矣惜肇碑剝落不可考也然亦可疑肇袁州人奮跡武宗朝去則天固遠將奉何勅作記耶嶺外代答

石室

石室在靈山縣西唐甯悌原讀書之所洞如深室金志有石壁石門門外有石橋兩石人夾侍黃志

狼家屋

靈山境內白鴿墟有狼家屋其屋脊東為廣東界脊西為廣西界狼目司之去墟三十里渡江即橫州平佛水口粵中見聞

天寧寺

天寧寺在海康縣西關外唐大曆五年建舊名報恩宋蘇軾書萬山第一四大字於門李綱趙鼎胡銓南謫皆寓此一統志宋末燬於兵元明以後歷朝重修郡志叢林幽迴山水環繞亦郡之大觀余志

十賢堂

十賢堂宋咸淳九年知雷州虞應龍建十賢者宋寇準蘇軾任伯雨蘇轍秦觀王巖叟李綱趙鼎李光胡銓也文天祥舊記雷州丞相寇公準以司戶至迨紹聖端明翰林學士蘇公軾直言任公伯雨以渡海至門下侍郎蘇公轍以散官至蘇門下正字秦公觀至樞密王巖叟雖未嘗至而追授別駕猶至也其後丞相李公綱趙公鼎秦政李公光樞密編修胡公銓皆由是之瓊之萬之儋之崖虞侯應龍為祠於西湖之上以祝十賢嶺海牘

蘇公樓

嶺南叢述

卷二十

宮室

十六

蘇公樓在海康城南即宋吳國鑑館蘇轍之所時蘇軾亦謫儋耳同處月餘靖康間邑令余淳禮建亭設二蘇像嘉熙間郡守毛當時即其地建樓以表之咸淳間郡守陳大震遷樓於西湖與寇準祠並元末廢明正德間郡守王秉良又即舊址建樓刻二蘇詩詞於上今併圯海康縣志

金牛庵

唐開元中見一牛色如黃金與常牛大異眾逐急牛跑而沒掘六尺餘止見牛尾五寸許村人斫取之乃金也因是創菴穴土名金牛庵凡風雨夜牛常出庵外跡印於地雷州府志

石牛廟

石牛廟在遂溪縣第三都英靈下村昔有土地堂陳時有客驅牛過堂前悉化為石石皆半牛頭形容因家於此即雷種之祖地也後人因其石如牛形故立為石牛廟雷州府志

碧桃別墅

交趾以北距南海有水路多覆巨舟高駢往視之乃有橫石隱然
在水中因奏以開鑿道海之利云人操利楫石限橫津纜登一去
之舟便作九泉之計時有召聽之乃召工者啖以厚利竟去其石
民至今賴之唐時紀事駢好神仙赴安南有詩不將真性染埃塵
為有烟霞伴此身帶月長江好歸去博羅山下碧梅春蓋有別墅
在安京山誤以為惠州羅浮也北夢瑣言

普明寺

普明寺在瓊山縣城南元文宗未登極時嘗謫居此後建為大興
龍普明禪寺學士虞集記一統志至治元年正月丁丑賜海南大興
龍普明寺鈔萬錠市永業地二年十一月癸未隆祥司使晃忽兒
不花言海南所建大興龍普明寺工費浩穰黎人不勝其擾以故
為亂詔湖廣行省臣瑛璐不花及宣慰宣撫二司領其役仍命廉

嶺南叢述

卷三十

宮室

十九

訪司蒞之

元史

食德祠

鈕玉樵觚贖云瓊士省試赴海溯行途徑三千里往往困於裹糧
中阻順德梁廷佐為定安教諭迎養其母馮氏馮目擊其難呼廷
佐而語之曰汝忝為人師教與育皆汝事也今定安之士貧不能
應試而汝能漠然乎我手治絲葛得絹布若干疋並鬻我簪珥買
田於是邑取其人以供往來行李俾單寒士子俱踴躍於功名則
我之留此方者較之貽爾子若孫為久且大矣廷佐遵命置腴田
三百畝于屈丁庄諸生感其德即於庄左為馮建立生祠康熙辛
未落成設位於內至者千餘人題其額曰食德誌弗諼也馮年二
十娠廷佐七月而寡撫廷佐慈而嚴

皇朝制應薙髮薙則令廷佐藏之積盈數缶廷佐亦於祠側築藏
髮隴焉攷之婦人生祠前所未聞今適與洗夫人廟相鄰洗受祿

保民馮置田育士洗以功顯馮以節成巍然海南允稱並峙五山志林

崖州飛樑

唐貞觀初析崖州地立瓊州於麻欒都一圖大江之濱城垣治址俱廨宇初豎一夕樑飛失向後覓得之於今城遂因定州治今衛基是瓊州府志

逸賢崗

逸賢崗在崖州西南洗兵亭東有茂林脩竹宋胡銓遊覽愛之闢為崗初有六客既而一客後至遂用六逸七賢而名黃志

梳榔菴

梳榔菴在儋州城南二里黃志旁有梳榔林宋蘇軾謫儋時結菴其下為偃息之所嘗摘葉書銘記之一統志菴南有清水池宋胡銓李

光嘗遊處黃志

燕喜亭

嶺南叢述

卷三十

宮室

二十

燕喜亭在連州城北唐貞元間吏部侍郎王宏中謫官時建韓愈

有記黃志

丞相書院

丞相書院在連州城後街東嘉魚坊為宋張浚立郝志

致一堂

致一堂在連州熙仁門外宋歐陽獻可讀書之所張魏公浚嘉而名之且贈以詩黃志

讀書臺

讀書臺在陽山縣治西北二里金山之麓唐韓愈為今日讀書於此有韓愈詩陽山縣志

釣魚臺

釣魚臺在陽山縣東半里三門灘下唐韓愈釣魚於此下有釣磯石黃志

鐵漢樓

鐵漢樓在程鄉縣東宋劉元城嘗安置於此數年不以險阻動心
蘇軾以為鐵漢宋人建以表其節黃志

